



北京古籍叢書

〔清〕周家楣 〔清〕繆荃孫 編纂

左笑鴻 點校

# 光緒順天府志

第十六冊



圖書在版編目 ( CIP ) 數據

光緒順天府志·第十六冊 / (清)周家楣, (清)繆荃孫編纂; 左笑鴻點校. — 北京: 北京出版社, 2018. 2

(北京古籍叢書)

ISBN 978-7-200-13611-1

I. ①光… II. ①周… ②繆… ③左… III. ①北京—地方志—清代 IV. ① K291

中國版本圖書館 CIP 數據核字 (2017) 第 282309 號

項目策劃: 安東

項目統籌: 許可

責任編輯: 喬天一 許可

責任印製: 宋超

裝幀設計: 郭宇

北京古籍叢書

光緒順天府志

第十六冊

「清」周家楣 「清」繆荃孫 編纂

左笑鴻 點校

出版 北京出版集團公司

北京出版社

地址 北京北三環中路六號

郵編 100011

網址 [www.bph.com.cn](http://www.bph.com.cn)

總發行 北京出版集團公司

經銷 新華書店

印刷 北京京華虎彩印刷公司

開本 八八〇毫米×一二三〇毫米 三十二

印張 十六點七五

字數 三〇二千字

版次 二〇一八年二月第一版

印次 二〇一八年二月第一次印刷

書號 ISBN 978-7-200-13611-1

定價 128.00 圓

如有印裝質量問題, 由本社負責調換

質量監督電話 010-58572393

# 藝文志二

光緒順天府志一百二十三

## 順天人著述一

江陰繆荃孫纂

燕自韓太傅受易傳詩，修明家法，西京經術，魁能冠倫，盧、高兩家並峙。漢末雖存少佚多，而微言未墮。魏、晉以降，著述滋繁。爰甄采史志，網羅舊聞，以書繫人，以人繫代，略誌體例。不知則闕如。常襍經明出依託，宋志兵書類：常襍經一卷，燕昭王太子撰，蓋偽託。燕丹子決非自著，類皆刪削無取。坳益兼載刊本者，近人目錄學新例也。志順天人著述。

## 漢

韓嬰：易傳十二篇。漢志：二篇。荃孫按：十二篇，上下經並十翼也，漢志脫十字，今據唐會要補。

有輯本。張澍二酉堂本，孫彤問經堂本，張惠言易義別錄本，馬國翰玉函山房本即二酉堂本。

嬰事蹟詳先賢傳。此書久佚，今存武威張澍、承德孫彤、武進張惠言三家輯子夏傳本。

據漢志分二篇，張澍各一卷。按釋文序錄，子夏易傳三卷。卜商字子夏，孔子弟子。七略云：漢興，韓

張澍

嬰傳中經簿錄云，丁寬所作。張璠云，或馯臂子弓所作，薛虞記。虞不詳何許人。唐會要，開元七年，劉子元議曰：漢書藝文志，易有十二家，而無子夏。傳至梁，阮氏七錄始有子夏易六卷，或云韓嬰作，或云丁寬作。司馬貞議曰：王儉七志，引劉向七略云，易傳子夏韓氏嬰也。是子夏之爲韓嬰，當以七略、七志、七錄爲據。嬰爲幼孩，夏爲長大，名與字取相反而相成也。歷城馬國翰云：此書自馯臂傳之子夏。至丁寬、韓嬰得而修之，如毛萇說詩，首列子夏小序之類，故班志易十三家，有丁氏八篇、韓氏二篇，而不云子夏，猶之毛詩但言毛傳，而不別錄小序之目也。馬氏欲盡通諸家之不同，其說甚辨。然漢志有韓、丁，無馯臂子弓，則張璠之言不足信。丁寬受易田何，上及馯臂子弓，受之商瞿，非自子夏，則荀勗言丁寬亦非。孫坦周易折蘊以爲杜鄴。趙汝棣周易輯聞，徐幾易輯，皆以爲鄧彭祖。近人又以爲韓商。懸空臆度，迄非定論。劉向父子，博學近古，以爲韓嬰，當必有據。儒林傳稱韓生亦以易授人，推易意而爲之傳，不聞其所受意者出於子夏與商瞿之傳異邪。今仍從七略著錄。張弧僞撰，更無論矣。

韓故三十六卷

漢志 隋志 二十二卷 新舊唐志 二十卷

佚

漢書嬰傳云：淮南賁生受之；後有王、食、長孫之學。後書：薛漢世習韓詩，以章句著

名。弟子杜撫定韓詩章句，其所作詩題約義，通學者傳之曰，杜君注云。按章懷注後書，李善注文選，引其說尤多。或稱薛君、薛夫子，蓋杜撫尊其師說，卽杜撫所注，世罕知其出于撫矣。

詩內傳四卷 漢志

存輯本

原書久佚。餘姚邵晉涵有內傳考，稿亦散失。高郵宋繇初內傳徵，有梓本。

詩外傳六卷 漢志 隋志十卷 新舊唐志十卷 宋志十卷 四庫全書總目十卷

通津草堂刊本 武進趙懷玉校本 新安周廷宋注本 嘉定陳瑑疏證本

漢志本六卷，隋志以後皆十卷，蓋後人所分。或云合內外傳爲一，非也。其書多奄取荀卿書，與賈子、說苑、戴德記相出入，雜引古事古語，證以詩詞，與經義不相比附，故曰外傳。班固論三家之詩，稱其或取春秋，采雜說，咸非其本義，殆卽指此類與？然其中引荀卿非十二子一篇，刪去子思、孟子二條，惟存十子，其去取特爲有識。是書之例，每條必引詩詞。而未引詩者二十八條，又吾語汝一條，起無所因，均疑有關文。李善注選，引其孔子升泰山觀易姓而王者七十餘家事，及漢皋二女事，今本皆無之，疑並有脫簡。董斯張據文選注、藝文類聚等書，云有逸文。趙懷玉輯成一卷，中有涉訓詁

者，恐不盡外傳矣。

韓說四十一卷漢志

佚

隋唐志未著錄，近人輯韓詩遺說，有金谿王謨、武進臧庸、歷城馬國翰、陽湖蔣曰豫諸

家，而蔣氏爲最詳備。嘉興馮登府、侯官陳縱喬加以疏證，

歸安嚴可均韓詩輯二十卷，未見傳本。

冥搜遠引，

曲證旁通，雖未能盡復韓氏家法，然由孤文隻義推見大略，亦可謂善於考古。馬氏從漢志分：韓故，韓內傳、外傳，韓說各成一卷，終嫌武斷，不如諸家統曰韓詩遺說之爲當也。

徐樂一篇漢志

存

樂事蹟詳先賢傳。漢志入縱橫家，卽上武帝言世務書，見漢書本傳，史記主父偃傳。

盧慎：盧公範

佚

慎，元和姓纂云：涿郡涿人。盧公範，見御覽二十五、三十三本注：盧公範者，盧慎家之法也，又作盧公家範。御覽二十五引作饋餉儀，疑是子目。隋志不著錄。章宗源隋志

考證云：盧公範撰，誤。張本御覽作盧懷慎，尤誤。

盧植：尚書章句范書盧植傳

佚

植事蹟詳先賢傳，范書植傳，魏志盧毓傳。裴注引續漢書，皆云作尚書章句，未詳何家。蔣曰豫兩漢傳經表，列於古文。植傳不云古文，然植事馬融，融治古文，植受治當不異也。

禮記解詁十卷隋志新舊唐志十卷

存輯本武進臧輔拜經堂刊本 金谿王謨漢魏遺書鈔本 馬國翰玉函山房本

經義雜記云：盧氏校定禮記，今日雖亡，漢唐人偶有稱述，尚可得其略。其一，檀弓下子顯以致命於穆公。鄭注：使者，公子繫也。盧氏云：古者名字相配，顯當作韞。今考詩白駒：繫之維之。傳：繫，絆也。禮記月令則繫騰駒，是繫爲維絆義。說文：顯，頭明飾也，與繫義無涉。韞，著掖鞵也。又釋名云：韞，經也，橫經其腹下也。與維絆義合，故名繫，字子韞。此校之盡善者。其一，曲禮：猩猩能言，不離禽獸。釋文：禽獸，盧本作走獸。正義曰：別而言之，羽則曰禽，毛則曰獸。通而爲說，鳥不可曰獸，獸亦可曰禽。故易云：王用三驅失前禽。則驅走者亦曰禽也。又周禮司馬職云：大獸公之，小禽私之。

以此而言，則禽未必皆鳥也。又康成注周禮云：凡鳥獸未孕曰禽。周禮又云：以禽作六摯，卿羔，大夫雁。白虎通云：禽者鳥獸之總名。以此諸經證禽名通獸者，以其小獸可擒，故通名禽也。孔氏所據精博；盧氏定爲走獸，失之拘泥，此校之未盡善者。按本傳云：植作三禮解詁。考隋志，植注禮記十卷。經典釋文，植注禮記二十卷。唐藝文志同，而不見三禮之名。卽植上書，亦止言今之禮記特多回穴，臣前以周禮諸經發其紕繆耳。今釋文、正義、通典均引植禮記注，而無周禮、儀禮。續漢書所云較是。范云三禮，傳聞誤也。按元行沖曰：小戴禮行於漢末，盧植合二十九篇爲之解，世所不傳。是唐時已佚。今王謨、臧庸、馬國翰均有輯本。余蕭客據釋文別出禮記音，恐卽在解詁中，今不錄。

補續漢記

佚

玉海卷四十六云：盧植拜議郎，與馬日磾、蔡邕、楊彪、韓說等並在東觀，補續漢記。

冀州風土記

佚

寰宇記六十三，引冀州風土記曰：黃帝以前，未可備聞；唐虞以來，冀州乃聖賢之藪，

帝王之舊地。

集二卷隋志 舊唐志二卷

佚

范書本傳云：所著碑誄表記凡六篇。隋志已在亡書之列。唐志卷帙與七錄同，大約唐時復出而佚於宋初者。今按始立太學石經、日食上封事、獻書規竇武三篇見本傳，奏事見初學十書鈔九十五，鄺文勝誄見書鈔九十九。

植別傳

佚

御覽卷五百五十五引之，事已見本傳。

高誘：禮記注 無卷數

佚

誘事蹟詳先賢傳。此書隋志未著錄，藝文類聚引之。

明堂月令四卷

未見

王應麟曰：劉向別錄有古文明堂禮、王居明堂禮、明堂圖、明堂大圖、明堂陰陽，並說

古明堂之事，其書皆亡。唐會要引禮記明堂陰陽錄，牛弘亦引明堂陰陽錄，今禮記月令於別錄中，屬明堂陰陽記，故謂之明堂月令。朱彝尊經義考云：乙亥二月，於吳興書賈舟中獲月令四卷，題曰明堂月令，乃舊本，讀之，其字句與今本月令頗有不同。如季春行冬令，及孟夏行秋令前均有「行之是令而甘雨至三句」十字，季夏行春令前有「行之是令是月甘雨至三句二日」十三字，孟秋行冬令前有「行之是令而涼風至三句」十字，仲秋行春令前有「行之是令白露降三句」九字，季冬行秋令前有「行之是令此謂一終三句二日」一十二字，注：行之是令行是之令也。甘雨至三句，十日一雨，三句三雨也。二日者，陰晦朔也。月十日一雨，又二十日一雨，一月中得二日爾，故曰三句二日。終一歲，十二月終也。三句二日者，十日一句，二十日爲二句，後一句在□月，故曰三句二日也。較之呂覽，其文正同，蓋好事者以誘所注呂覽鈔出成書。

孝經解 無卷數

佚

隋志未著錄，見誘呂氏春秋訓解序。

正孟子章句 無卷數

佚

隋志未著錄，亦見誘呂氏春秋訓解序，似是正程曾之書也。

### 戰國策注二十一篇

存 黃丕烈士禮居刊本  
盧見曾雅雨堂刊本

案崇文總目云：戰國策篇卷亡闕，第二至第十，第三十一至第三十三闕。又有後漢高誘注本二十卷，今闕第一、第五、第十一至二十，止存八卷。曾鞏校定序曰：此書有高誘注者二十一篇，或曰三十二篇。崇文總目存者八篇，今存十篇。行世本三十三卷，皆題曰高誘注，而有誘注者僅二卷至四卷，六卷至十卷，與崇文總目八篇數合，又最末三十二、三十三兩卷，合前八卷，與曾鞏序十篇數合，而其餘二十三卷皆非誘注，即所存十卷，略存訓詁兼及地理，恐亦不免闕失。然考秦策姚賈注云：姚賈譏周公誅管蔡不仁不知者，在孟子之篇也。今孟子作陳賈，是誘所見本異也。

呂氏春秋解詁二十六卷 隋志新舊唐志二十  
六卷 宋志二十六卷

存 畢沅經訓堂刊本

誘序自言嘗爲孟子章句及孝經解等。今已不見。世所傳誘注國策，亦非真本。唯此書及淮南王書注，最爲可信。誘注二書亦間有不同，有始覽篇大汾冥阨，解云：大汾處未聞冥阨，荆阮、方城皆在楚，而淮南王書注則云大汾在晉，冥阨，淮南作澗阨，注云：

今宏農澗池是也。先識覽篇男女切倚，解云：切，磨；倚，近也。淮南王書倚作踦。注又云：踦，足也。知分篇解云：魚滿二千斤爲蛟。而淮南王書又作二千五百斤。至于音訓，亦時時不同。此蓋隨文生義，或又各依先師舊訓爲解，故錯出而不相害與？

淮南鴻烈解詁二十一篇

存十三篇

明正統道藏本 武進莊遠吉校刊本 會稽陶方琦疏證本

蘇魏公校正淮南子序云：是書有後漢太尉祭酒許慎、東郡濮陽令高誘二家之注。隋唐目錄本別傳行。今校崇文舊書與蜀川印本，暨臣某家書，凡七部，並題曰：淮南子二注相參，不復可辨。惟集賢本前賢題云：許標其首，皆是閒詁，鴻烈之下，謂之記上；高題卷首，皆謂之鴻烈解經，解經之下，高氏注每篇之下，皆曰訓。又多數篇爲上下，以此爲異。崇文總目亦如此云。又謂高注更詳于許氏，本書文句亦有小異。臣某據文推次，頗見端緒。高注篇名，皆有故曰因以題篇之語，其間奇字並載音讀。許于篇下粗論大意。互相考證，去其重複，共得高注十三篇，許注八篇。余初讀淮南子，頗怪原道、俶真、天文、墜形、時則、覽冥、精神、本經、主術、汜論、說山、說林、修務十三篇注，何以詳且有音讀？其餘八篇注，何以略且無音讀？截然如出兩手。及讀蘇魏公集，且細繹高氏序，而千載之疑乃釋。案原道、俶真、天文、墜形、時則、覽冥、精神、本經、

主術、汜論、說山、說林、修務十三篇，每篇名注，皆有因以題篇四字，注中載音讀，如滑讀曰骨，哥讀曰謳歌之類，甚夥，則此十三篇乃高注也。想魏晉以後，因高書不全，遂以許書補之，猶范曄書無志，以司馬彪補之也。坊本均題許慎，誤矣。

鴻烈音二卷

佚

案：誘注十三篇內，並載音讀，疑卽鴻烈音散入注中。

魏

盧毓：九州人士論一卷

佚

毓事蹟詳先賢傳。此書見隋志名家類，舊唐志同。

通古人論一卷

佚

見隋志名家類。

晉

崔豹：論語集義十卷

佚

敬齋古今註云：豹字正熊，燕國人，晉惠帝時官至太傅。此書見通志論語集解類。

論語大義解十卷

佚

見同上。

古今注三卷

存

所錄皆考證名物，今與馬縉書相混。

盧欽：小道

佚

欽事蹟詳先賢傳。晉書本傳：所著詩賦、論難數十篇，名曰小道。隋志未著錄。今魏志徐邈傳，論徐邈曰：徐公志高行潔，才博氣猛。其施之也，高而不狷，潔而不介，博而守

約，猛而能寬，聖人以清爲難，而徐公之所易也。或問欽：徐公當武帝時，人以爲通，自在涼州及還京師，人以爲介，何也？欽曰：往者毛孝先、崔季珪用事，貴清素之士，于時皆變易車服，以求名高。而徐公不改其常，故人以爲通。比來天下奢靡，轉相倣效，而徐公雅尚自若，不與俗同，故前日之通，今日之介也。是世人之無常，而徐公有常也。御覽二百四十五亦引之，公羊序見春秋疏。

盧浮：相風賦

佚

浮事蹟詳先賢傳，相風賦見御覽七十四。

盧諶：雜祭法六卷隋志

存輯本玉函山房本

諶事蹟詳先賢傳。案隋書經籍志禮類注載其目，已在亡書之列。新唐書藝文志史部儀注類復以六卷著錄，蓋唐時蒐羅得之也。今藝文類聚、北堂書鈔、初學記、御覽等書引之，其記祭品以類詮次，可與周官籩人、醢人諸職參觀古今之變，亦考典禮者所宜會通也。

莊子注

佚

隋志未著錄，見晉書本傳。

集十卷隋志 舊唐志十卷

佚

今存感運賦，見類聚三。朝霞賦，見御覽八百九。登鄴臺賦，見類聚六十二。觀獵賦，見書鈔一百五十八。征艱賦，見水經河水五注，又洞過水注，又淇水注，又清漳水注。菊花賦，見類聚八十一，又初學二十七。朝華賦，見類聚八十九，又初學二。鸚鵡賦，見類聚九十一。燕賦，見類聚九十二。蟋蟀賦，見類聚九十七，又御覽九百四十九。理劉司空表，見劉琨傳，又類聚五十四。與司空劉琨書，見文選。尚書武彊侯盧府君誄，見類聚四十八。太尉劉公誄，見類聚四十六。

諡別傳

佚

見三國志注引。

張華：博物志十篇

晉書本傳 隋志十卷 新舊唐志十卷 宋志十卷 四庫全書總目十卷